



## **Decisiones Sacramentales, Theologicæ, Canonicae, & Legales**

In Quibus Tota materia Sacramentorum, Theologiæ Moralis, Juris Canonici, & Quæstiones plurimæ Juris Civilis explicantur, dilucidantur, & traduntur, Eruditionibus, Historiis, & Exemplis adornatæ ; Opus Episcopis, Vicariis, Parochis, Confessariis, aliisque Studiosis utile, ac jucundum In Libris novem ...

Decisiones Miscellanæ

**Chiericato, Giovanni Maria**

**Augustæ Vindelicorum, 1730**

Decisio CXVI. Agrumentum. Ostenditur quibus industriis possit Parochus inserere in cordibus populorum devotionem veram erga Sanctissima Sacramenta; ita ut piè, ac frequenter accedant ad Confessionem, ...

---

[urn:nbn:de:hbz:466:1-94626](https://nbn-resolving.org/urn:nbn:de:hbz:466:1-94626)

considerare, quæ à me sunt dicta, & deducta in meis Decisionibus. de Sacrificio Missæ, Decis. 50.

Sexto confirmatur opinio ista, quod omnes Rubricæ Missalis sint Præceptivæ ex Rubrica 16. inter Rubr. Generales, ubi ordinatur, quod Sacerdos maxime curare debeat, ut ea, quæ clara voce dicenda sunt, distincte, & appositè proferat, non admodum festinanter. Hæc Rubrica si directiva appellanda foret, eam non servans Sacerdos celebrans non peccaret; & tamen communiter Doctores tenent; quod, qui festinanter celebrat, & non clara voce Missam legit, non sit immunis à culpa. Molina in Instruct. Sacerd. tract. 3. cap. 13. Ceccoperius d. lib. 3. num. 81. Molfesius in Sum. tract. 3. cap. 10. in fine. Verricelli in Quæst. mor. tract. 8. cap. 53. & Quartus in d. Com. ad Rubr. Missal. part. 1. tit. 6. dub. 6. ubi ad Tertiam difficultatem dicit hæc Verba, à nimis celeritatis studiosis meditanda, videlicet: Timendum valde est, ne magna pars Sacerdotum hujusmodi, qui Missam præcipitant, in infernum præcipitent; & paulò post subdit revelationem de magno numero Sacerdotum quotidie ad infernum descendentium.

Septimò, Rubrica Prima De Ritib. Servan. num. 1. quod Sacerdos ante sumptionem Sacramentorum lavet manus. Sed hujus omissionem Rubricæ esse culpam saltem Venialem docent DD. apud Dianam part. 10. tract. 12. resol. 19. quæ in Coordinato est tom. 2. tract. 1. resol. 165. ubi eam reddit rationem, quia Rubrica præcipit. Ergo omnes Rubricæ censendæ sunt Præceptivæ.

Octavò, Eadem Rubrica num. 2. habet, quod Sacerdos sumens Sacramenta Sacra dicat orationes ad singula præfixas. At harum orationum ommissio ex tutiori sententia est culpabilis, Catholical. de Sacram. tract. 22. disput. Unic. punct. 10. num. 8. ubi DD. Ergo non directiva tantum est dicenda, sed etiam Præceptiva.

Nonò, Addenda est Assertio Castaldi in Fraxi Cerem. lib. 2. sect. 6. cap. 1. num. 5. sic scribens: Sacrorum itaque Rituum studiosi diligenter hinc colligant, quanto studio in celebratione tanti Sacrificii interius, exteriusque se ipsos, ut docet, Ecclesiasticis ordinationibus, ut Deo placeant, disponere debeant; quæ enim in ipsis Missalis Rubricis continentur, Romani Pontificis sunt Decreta, & Ecclesiastica Sanctiones ad digne talia mysteria pertractanda ordinata; quæ si voluntarie prætermittantur, vel permutentur, in majoribus quidem gravis culpa reatum; in minoribus vero, vel cum non advertendo variantur, levioris offensionis culpam inducunt.

Decimò. Idem testimonium reddit Mich. Bauldry in Manuali Sacri. Cerem. part. 3. cap. 1. num. 2. Quare ex his omnibus concludendum est, Rubricas Missalis quascunque esse Præceptivas, easque, etsi minimas, non esse contemnendas, aut omittendas; quia ubi absque legitima causa id fieret, culpa non evitaretur, & offensæ Dei, cui in ejus districto judicio reddenda erit ratio. Et hæc dicta sint, ut doctissimus noster Clerus sit Sacrarum Rubricarum custos fidelissimus.

#### DECISIO CXVI.

#### ARGUMENTUM

Ostenditur, quibus industriis possit Parochus inferere in cordibus populorum devotionem veram erga Sanctissima Sacramenta, ita ut piè,

ac frequenter accedant ad Confessionem, & communionem.

#### SUMMARIUM.

1. Devotio in plebe erga Sacramenta, quomodo excitanda?
2. Sacramentorum excellentia à Parochis jugiter prædicanda.
3. Populi abstinent à Sacramentis, quia à Parochis non invitantur.
4. Zelus gloriæ Dei, & salutis animarum necessarius in Parochis.
5. Labor à Parochis non timendus.
6. Francisci Pavoni Soc. Jesu monitio ad Parochos.
7. Pauli Segneri Sos. Jesu Libellus Il Parocho instruito laudatus.

Plures plura scripserunt ad hunc Casum, fugerentes diversas industrias, pro excitanda devotione erga SS. Sacramenta in populis. Porro, cæteris relictis, brevitatè causa, duæ viæ sunt sufficientes, simulque necessariæ, & à Parochis omninò adhibendæ, ut suos populos reddant devotos, & frequentes faciant in perceptione SS. Sacramentorum Penitentiar, & Eucharistiæ. Prima est jugis, ac fervida exhortatio ex suggestu, vel ex Altari inter Missarum solennia. Altera assidua, & constans eorundem Parochorum permanentia in Sede confessionali, præcipuè festivis diebus. Harum industriarum usus reddet populum devotum; earundem neglectus faciet populum indevotum.

Pro Prima apertissimum est testimonium Catechismi Romani de Sacram. in gen. cap. ult. ubi sic ait: Hæc autem facile Pastores assequi poterunt, si quæ de Sacramentorum divinitate, & fructu supra dicta sunt, auribus fidelium sapius inculcabunt. Utinam hæc verba aures cordis Pastorum animarum penetrarent? Ubi Parochi sapè differunt de dignitate, & præstantia Sacramentorum, suasque plebes hortantur, invitant, & fervido spiritu compellunt ea frequentare; experientia docuit Eminentiss. & Reverendiss. Præfulem in suis Visitationibus, magnam devotionem, & Sacramentorum frequentiam in Parochiis haberi. At ubi Parochi tacent, cessat omnis devotio; siquidem populi ex se non audent accedere, & sicut illi operarii, interrogati, cur non accedant? respondent: Quia nemo nos conducit, Matth. 20. 7. Recogitent coram Deo attentè hanc veritatem animarum Rectores, sciantque illos muneri suo non satisfacere, qui perentibus tantummodò Sacramenta porrigunt; ait enim Apostolorum Princeps 1. Petr. 5. 2. Pastore, qui in vobis est, gregem Dei (Prædicatione scilicet, & Sacramentis) providentes non coactè, sed spontaneè secundum Deum.

Pro Secunda, quæ in assidua, & constanti sessione in Sede Confessionali consistit opus est Zelo gloriæ Dei, & salutis animarum; nam, ut docet S. Thom. 1. 2. quæst. 28. art. 4. Zelus iste facit Sacerdotes attentos, & sollicitos ad procurandam Dei gloriam, & animarum salutem, quæ potissimum à frequentia SS. Sacramentorum pendet. Negari non potest in hac industria tædium, laboremque consistere: at Dominus noster JESU CHRISTUS pro salu e nostra tædio, ac labore est affectus, nam Fatigatus ex itinere sedebat supra fontem. Jo. 4. 6. Et erat pernoctans in oratione Dei, Luc. 6. 12. Juvat tamen Parochos re:

recordari, ipsum dixisse: *Venite ad me omnes, qui laboratis, & onerati estis, & ego reficiam vos.* Matth. 11. 28. Et servis qui talenta lucrati fuerant, pramia aeterna concessisse. Matth. 25. 21. Quis mercator non residet in plateis, ut negotietur? Quis artifex non permanet in ergasterio, ut lucrum deferat? Quis advocatus non sedet in Museo clientes expectans? Ilgitur ed diligentius Parochi, ac Rectores animarum debent esse permanentes in Confessionali Sede; sunt enim mercatores coelestes, qui artem artium agunt; & advocare debent pro animabus sibi creditis, ut salventur. Ipsi, qui Angeli vocantur in Scripturis Sacris, & famulantur Altissimo, zelo, & charitate fervere debent, juxta illud. *Qui facis Angelos tuos spiritus, & ministros tuos ignem urentem.* Psalm. 103. 4. Dedecet enim fuscipientes curam animarum, de eis strictissimam rationem reddituros, accidia, & torpor.

Et hic non pigeat transcribere quæ in hoc 6 argumento scripta sunt à P. Francisco Pavone Soc. Jesu, Viro piissimo, & doctissimo simul. 1. 2. pari. de gl' obbligi de Sacerdoti. Meditat. 7. del Zelo dell' anime pag. 255. ubi sic loquitur:

Il terzo punto sarà considerare l' obbligo, che tiene il Sacerdote d'aver zelo della gloria di Dio, e della salute dell' anime, per ragione d'esser Luogotenente di Dio nelle cause dell' anime, con potestà di liberarle dalla servitù del Diavolo, e del peccato. Che occupazioni non deve trascurare, per aver tempo d'ascoltar confessioni? Che fatica non deve pigliare, per imparare la Dottrina necessaria per conoscere le cause dell' anime, e per saperle giudicare? Che diligenza non deve usare, per ridurre al Sacramento della Penitenza i peccatori? Che sollecitudine deve essere nel Sacerdote ad apprendere, & ad usare l'arte conveniente, per disporre nella Confessione l'anime all'agrazia, & alla riconciliazione con Dio? Quanto grand' obbligo è tutto questo? Ma non par possibile, che a tant' obbligo passa convenientemente soddisfare chi agghiacciato tiene il cuore, e lungi dal fuoco del zelo. Talche altrettanto obbligo ha il Sacerdote d'aver zelo della gloria di Dio, e della salute dell' anime, quam'è l'obbligo d'esercitare, come si conviene, la potestà d'assolvere, e di dar la gratia di Dio per via del Sacramento della Penitenza a i peccatori. Come può indursi un' uomo a sedere le ore intiere, & a continuare i giorni, ascoltando i peccati altrui, & a sopportare con pazienza gl'intricamenti delle coscienze, le sozzure abominevoli, le risposte sciocche, & impertinenti, se non ha zelo della salute de peccatori? Potrà la necessità del vitto indurre un povero Sacerdote ad ascoltare con continuazione le confessioni: ma non mai l'indurrà, se non la carità, à fermarsi con perseveranza nell'istruire, nel disporre alla contrizione, nell'interrogare quanto è necessario per la cognizione delle colpe e per l'integrità della confessione, e il provvedere de i remedi alle piaghe marcite. Solamente Santo Zelo sà riprendere senza sdegnare, sà correggere con compassione, sà tirare senza rompere, sà addolcire le amarezze del cuore, sà fraccassare l'ostinazione. Ora si, che io m'aveggo, qual sia stata la causa, perchè io tant' ho abborito il confessare: perchè non ho zelato la salute de prossimi miei, e pure mi corre pericolo della dannazione, se io non corrispondo al talento, che Iddio m'ha dato: se io potendo, e dovendo, non soccorro alle necessità dell' anime. Or io, m'aveggo, onde sia nato il tedio nell' ascoltar le confessioni, onde le mie impazienze, onde le mie frette: perchè questa sorte di fatica non mai l'ho bevuta condita con la dolcezza della carità.

Quæ si cum veritate dicuntur de Sacerdo-

tibus non Parochis, ob debitum charitatis, quid de Rectoribus animarum adstrictis ex justitia? Considerent, prædicent, in Sede confessionali lubentes, & patientes sedeant, ut populos suos ad frequentiam SS. Sacramentorum attrahant; & in die judicii unusquisque eorum audire mereatur à Iudice aeterno: *Euge serve bone, & fidelis; intra in gaudium Domini tui.* Luc. 19. 17.

His addere oportet, quæ scripta sunt eruditissimo stylo, etsi vulgari per R. P. Paulum Sagneri Soc. Jesu in suo aureo Libello: *il Parocho Instruito*; in quò præcipue cap. 20. 21. & 22. agit de præcisa obligatione Parochorum excitandi fideles ad frequentiam Sacramentorum Penitentiae, & Eucharistiae; ait enim inter cætera, esse Sacramenta septem Planetas in Cælo S. Ecclesiae benignos, ac beneficos habentes pro centro Solem Divinae Eucharistiae. Horum tres non spectant ad domum Parochorum circa administrationem, nempe Crisma, Ordo, & Matrimonium; nam primi duo attinent ad Episcopos, Matrimonium ad ipsos contrahentes. At alia quatuor à Parochis sunt frequenter ministranda, & omni sollicitudine Sacramentum penitentiae, & Eucharistiae, ut idem Autor ibi demonstrat.

## DECISIO CXVII.

### ARGUMENTUM.

Differitur, quo mysterio celebretur Missa pro Defunctis etiam die Tertio, Septimo, Trigesimo, & Anniversario? Et quænam sit Missa de Requie dicenda pro Defuncto Sacerdote ex quatuor positis in Missali?

### SUMMARIUM.

1. Defunctis cur die tertio celebretur Missa?
2. Cur etiam die Septimo?
3. Missa defunctorum die trigesimo ab eorum morte cur celebretur?
4. Anniversaria dies mortuorum cur habeat Missam?
5. Sacerdote Defuncto qua Missa pro eo celebranda?
6. Ulfo Maritus S. Birgitta defunctus petit suffragium Missarum.

Circa primam partem Casus responsum fuit, celebrari Missam pro Defunctis Tertio die 1 Ut in Anima integrè reparetur imago Sanctissimæ Trinitatis. Alcuin. de Divin. offic. cap. de Exeq. Mort. 2. Ut absolvatur à peccatis, quæ quis commisit cogitatione, verbo, & opere. Tandem propter triduum Sepulturæ Christi Domini ex S. Clemente lib. 6. Constit. Apost. cap. 48. Septima dies significat totius vitæ purgationem; vita enim septem dierum circulo ducitur, repetitis hebdomadibus. Durand. lib. 6. cap. 87. Vel quia est Symbolum futuræ quietis, S. Ambr. Orat. de fide Resurrect. Vel ut anima suo corpori reconcilietur; illa namque tripliciter peccare solet, cogitatione, verbo, & opere; & corpus quadrupliciter, ob humores quatuor, quibus constat. Alcuin. apud Gavantum infra citan. Et hic mos est antiquus, nam & Joseph Prorex Egypti luxit septem diebus Patrem suum. Genes. 50. undè illud, Eccles. 22. Luctus mortui septem dierum.

Trigesima dies habet antiquum pariter ritum; nam à morte Aaron, & Moyssis populus flevit 3